



kal komp

59570

Mag. St. Dr.

Bartoszewski Laurentii: Custos Paradisi: Che.  
rubin Divinissimus Elias Prophetarum

Teol. 5127



.M  
C  
P  
SACR  
V

PA

In Ro  
Ba

col  
M  
In A  
in

.A  
921



a  
163



CUSTOS  
PARADISI  
CHERUBIM,  
DIVINISSIMUS  
ELIAS  
PROPHETA,  
SACERRIMI ORDINIS FRATRUM BEATISSIMÆ  
V. MARIÆ  
DE MONTE CARMELO  
PATRIARCHA, & FUNDATOR.

*Redeunte suæ Festivitatis Die*

In Regio-Jagellonica Sacratissimi CORPORIS CHRISTI  
Basilica Celeberrimi Posnaniensis Conventûs Patrum  
Carmelitarum Strictioris Observantiæ.

M. LAURENTIO BARTOSZEWSKI,  
In Alma Universitate Cracoviensi Philosophiæ Doctore,  
in Academia Posnaniensi Pœseos Professore, CON-  
TUBERNIJ SZOŁDRSCIANI Præfecto.

*Oratoriâ Panegyri*  
DEMONSTRATUS.

Annò  
A condito Paradiso 5682. Reparato autem 1741.

*Die 20. Julij.*




POSNANIAE, Typis ACADEMICIS.





IN AVITUM INSIGNE  
ILLUSTRISSIMÆ DOMUS  
SZOLDRSCIORUM.



59570  
I.  
Sanguinis in Pelago fluitat RATIS una peramplo,  
Altera de Galea nubila celsa petit;  
In Pelagum fugiat quamvis, aut induat alas  
Hostis atrox, Argo mox reprehendet ultra;  
Si verò fluctus NAVEM lassabit utramq;  
Præstò Pavonis PENNA prehendet cum.

II.  
Cur sine Remigio! sine velis! & sine remis!  
Per mare Purpureum SZOLDRSCIA curro RA-  
Antennis malòq; vaco! crassòq; rudente! TIS?  
Si quis id exquirat? Delphica dicta fero:  
Non strepo remigiò: tacitis ut cursibus, Hostis  
Aggrediar Classes Barbaricosq; viros.



Destituor velis, quia nolo inflata tumere,  
Nec me Fortuna inflat, necq; superbus Honor.  
Non utor remis, propria virtute propellor;  
Hæc citat impulsu prosperitatq; meum.  
Antennis careo, transversis scilicet ansis,  
Non soleo cuiquam, blandula ferre crucem.  
Quod non sustineo malum! promptissima causa est:  
Optima sum NAVIS non habeo ergo malum,  
SZOLDRSCIA Iam NAVIS, fune detrecto rudem.  
Nam restis proram dedecet iste meam, (tem,  
Sponte meâ propero, Patriæ quò cōmoda poscunt;  
Libera sum NAVIS fūc recuso trahi.  
Anchora nulla meæ proræ, puppiq; ligata est,  
Ad nitus Cæli ne gravet illa latus.  
Quò me cura vocat Lechiæ, festino libenter;  
Ferreæ (ne tardent) pondera, nolo pati.

III.

Si quis fortè velit sublimem promptus Olympum  
Visere? SZOLDRSCIANA quærat in Æde modū;  
SZOLDRSCIA nempè *Domus* liquidum super æra  
Quâ super Eridanū velificemur, habet. (NAVEM

IV.

Syrmate Pavo suo stellas imitatus, & astra,  
Angelus est Pennis, Cælituumq; Decus.  
Ast ubi Conus habet polymitū Syrma! notat: quòd  
SZOLDRSCIUS hic quivis Angelus est habitu,  
Angelus est habitu Virtutis, Palladiòq;  
Ingenii cultu, SZOLDRSCIUS Angelus est.  
SZOLDRSCIUS hos habito præfert quisq; Togatò  
Hos Latiflavos SZOLDRSCIUS omnis amat.

V.

Centum luminibûs cinctum caput Argus habebat,  
Dum iussit vitulam pascere Juno suam.  
Post ubi sopivit vigilem Mercurius Argum  
Sustulit è vivis (proh dolor!) ense suo.  
Juno dolet! gemituq; quatit fundamen Olympi!  
Commovet ad gemitus astra, solumq; suos!



Hos tamen inter singultus, lachrymasq; fideles;  
Fecit Custodi secula longa suo;  
Vultibus humanis etenim, membrisq; peremptis  
Pavonis posuit symbola, mæsta Dea!  
Mox implumavit pennis pro crinibus olim,  
Erexit cristam, rostraq; pro ore dedit,  
Tot tribuit stellas; oculos quot vivus habebat,  
Pro terris Juno sidera ferre facit.  
Ast ubi se Pavo GALEÆ deplumat A vitæ,  
Argus cætoculus, SZOLDRSCIUS omnis hic est.  
Europæ Taurum Regno custodit in uno,  
Pervigil ad Lēges, Sarmatiæq; Bonum.

VI.

Ad Caput Euphratis Tigris fontemq; Gehonis  
Per latices quæ nos Prora Phisone vehet?  
Ex Paradisiacis hæc late Flumina campis  
Deducunt ortum, Principiumq; sui.

Fonte suo quivis areas peragrandō beatas,  
Cælestes animas illicit amne sacrō.  
Non desperemus lembum Proramq; secundā (het.2  
SZOLDRSCIA per fluvios holce CARINA ve.

VII.

Septem sunt PENNÆ, septem Miracula mundi.  
Prodigijs mundi fulgurat, ista DOMUS.

VIII.

Nescivi currum Divus quo vectus ELIAS,  
Ad Paradisiacas tractus ab orbe vias.  
Ast hodie novi Rhedam quæ portat ELIAM,  
Nempē; Triumphalis currus es Alta RATIS.

IX.

Gemmæ Concha Parens formatur NAVIS ad instar,  
Concharum formas utraq; NAVIS habet;  
Consonat hic bellè sensus NAVISQUE figura;  
Cōcha RATIS quævis, unio SZOLDRSCIUS est,  
Unio SZOLDRSCIUS est: conceptus fulmine belli  
Jupiter hostilis dum tonuisset atrox.



ILLUSTRISSIMO ac MAGNIFICO DOMINO,  
D. BARTHOLOMÆO  
De SZOŁDRY  
SZOŁDRSKI,  
CASTELLANO SANTOCENSI,  
*Domino, ac Mecænati singularissimo.*



*Non solius PIASTI melliflui quon-*  
*dam Poloniarum Principis Do-*  
*mus, sed Tui quoq; Pares Prin-*  
*cipibus Illustrissimi Penates, In-*  
*quilinos habent Cælites atq; Di-*  
*vos. SENATOR ILLUSTRISIME. De-*  
*scenderunt enim ad illam Angeli, in Tuos quoq;*  
*Lares hodie descendit CHERUBIM Custos*  
*Paradisi ELIAS Sacerrimus. Nec mirum: Do-*  
*mus enim Tua est Divinae Palæstra scientiæ, in*  
*qua omnes SZOŁDRSCII Cælos loquuntur Ter-*  
*ras tacent, Cælestia sapiunt: ut Cælitus sum-*  
*ptô Consiliô hi Ecclesias & Diæceses, isti Regna,*  
*illi Provincias, alij Senatum Populumq; regant;*  
*& totam Poloniæ à Polo dictæ dirigant Rem-*  
*publicam. Avitâ NAVI suâ, velut ex trans Cæ-*  
*lesti Eridano adnavigant Łodzicæ seu Argonau-*



tae Vestri, ut Terrarum tranquillitati praevisè & provise consulant. Quoties pro Patria fantur, non tantum à Civibus Patriciisq; Lechicis, sed ab ipsis quoq; hostibus, velut ANGELI PACIS audiuntur, quia & sublimiter, & sapienter, & suaviter; & efficaciter semper loquuntur MAGNALIA DEI, utilitati Publicae proficua. GERARDUS Vladislaviensis Episcopus ANGELUS EPHESSI ECCLESIAE: Pastoralia opera bona, laborem, & patientiam congenitam habens, ac exercens, ex natura & Pastoralis officio in Diœcesi sua malos sustinere non poterat, sed Divino uti Sacer VIR ECCLESIAE, quia Praesul Spiritu cognoscens, & penetrans eos; qui dicunt se Apostolos esse, & non sunt, ubi invenit mendaces in opere, & sermone, convertit mendacium in caput eorum. De vinea Domini evellebat radicatum scelerum. sentes, & tribulos: ut in consutilem Tunicam Christi, non solum lacerare; sed lœdere quoq; quiniò: etiam tangere locum, & tempus non habent. JOANNES verò rebus Divinis felix, quia de Vobis Lodziis secundus Vladislaviensis Antistes ANGELUS SMYRNÆ Ecclesiae in tribulatione, & spontanea ob imitationem Christi, ac eviscerata pro meliori esse sponsae suae, Paupertate Dives Spiritu, & Virtutibus, resolvit se liben.



benter convitia pati, & blasphemari ab his: qui  
sunt de synagoga satanae, sed in Paterna cura, &  
solicitudine sua usq; ad mortem fidelis, accepit  
Coronam vitae, quam meruit. NICOLAUS  
Posnaniensis Praesul, ANGELUS PERGAMI ECCLE-  
SIAE Divini Nominis, & Glorae fortissimus, Ma-  
nutentor Promotorq; spiritualis sphaerae Moirix  
Intelligentia, assiduus Contemplationibus Sacris  
die noctuq; volvebat Caelos, directo autem egeno-  
rum respectu suo, omne rectum, & honestum tu-  
ebatur. ANDREAS Episcopus Posnaniensis  
ANGELUS THYATIRAE Ecclesiae, cujus novissima,  
& hucusq; exstantia opera Charitatis, orbis uterq;  
videt, Terrae & sidera spectant. Fulgent enim  
hucusq; in Cathedra Posnaniensi, veit primae  
Magnitudinis astra, aureus argenteusq; appara-  
tus Ecclesiae: Polymito autem sirmate & holo-  
serico vermiculati planetae, & pluvialia Celeste  
fuisse Virum aureo imbre cum Minerva Caelitq;  
demissum, ANDREAM testantur SZOL-  
DRSCIUM, cujus ut nunquam senescerent Gra-  
tiae! Alumnatum Nobilium Juvenum fundavit  
Posnaniae. Communitatem Alumnorum insti-  
tuit: ut in Genere Nobilium adolescentium, sin-  
gulares, & speciales Universalis Fundatoris Pa-  
trisq; Gratiae elucerent. Palaestram Pietatis ac



*Studij Académici, & Seminarium Reipublicæ  
in hoc suo reliquit Contubernio: ut scientiis, &  
Respectibus SZOLDRSCIANIS enutriti E-  
phebi Nobiles Exoleti, in Cælo Nobilium Polo-  
nia radiant lumine ingenij, & velut Phæbi Del-  
phici Oracula Deorum fundant, dentq; cunctis  
Populis Responsa Prudentum. Ne autem hî Tra-  
jani Lechici sine suis essent Plinijs, Laureatos  
Doctores Academicos in Professores adsciscens,  
totum Lubranscianum Collegium proventibus  
auxit, & suo Vestroq; Nomini, aureo censu an-  
nuo æternum obæravit. Nec satis erat, ut tan-  
tum purè humanis sensibus benefaceret, sed Se-  
raphicā quoq; Familiam affinitati hominum jun-  
xit: ubi Conventualem Divi Francisci Asisij ex  
Umbria in lucem traducens Cælum, Posnaniā  
Fundator introduxit, ut horum Seraphinorum  
methodo ac exemplo, ad amorem, & cultum Dei  
omnes raperentur. ALEXANDER Cathe-  
dralis Posnaniensis unaq; Virtutis & Sapientiæ  
CUSTOS, vel ANGELUS ECCLESIAE SARDIS VI-  
GILANTISSIMUS, scilicet ad Portam Posnaniæ Cæ-  
lestis cum Petri Clavibus Thesaurarius, cæteros  
ad meliora cum Cælibus Charismata confir-  
mans, & confortans, sub cujus vigilantia Cæle-  
stes Candidati Orthodoxi sexus in hoc immun-*



do mundo, non inquinaverunt vestimenta sua,  
& virtutis habitum; sed ambulaverunt semper  
in albis stolis Divinae Glorïæ, & innocentis suæ  
conscientiæ: vel Charitativus Philadelphicæ Ec-  
clesiæ, qui in penetralibus cordis sui servans, &  
custodiens Verbum DEI, ad introitum pauperum  
semper apertum habuit ostium Domus suæ. Il-  
lustrissimus ac Excellentissimus LUDOVICUS  
à Szotdry SZOLDRSKI, nuper Calisiensis CA-  
STELLANUS, nunc jam per meritorum promotio-  
nem Ino-Vladislaviensis Palatinus, & Generalis Majoris  
Poloniæ, ANGELUS MAGNI CONSILII, in Ecclesia  
Civili, nempe Senatu Lechico, Spiritus Dicta-  
tor Legum Sapientiæ, & Oraculum. Quia ve-  
rò Numina Terrarum sunt Reges! SZOL-  
DRSKI LUDOVICUS, hic Majestuosus  
THRONUS ANGELUS! in quo utpote efficacibus vi-  
tæ, Honoris, & fortunæ in tuenda sub Electionē  
Varsaviæ, & Coronationem Cracoviæ, sua Ma-  
jestate Regia, usq; ad extremum præstitis obse-  
quiis, salutaribus consiliis AUGUSTUM III. feliciter  
Regnantem in Throno firmavit solidè. Ubi au-  
tem Magnum primarum instantiarum & deci-  
sionum Tribunal in omnibus Areopagis Majoris  
Poloniæ, uti Generalis Judiciorum exercet CA-  
PITANEUS, in LUDOVICO SZOLDRSKI



GENERALI MAJORIS POLONIÆ Judex Michael:  
 una manu septem Castrorum lancem in utrâq;  
 partem semper æquissimè gerens; altera distri-  
 ctum & evaginatum Gladium Justitiæ impla-  
 cabilem ultorem scelerum tenens. STEPHA-  
 NUS SZOLDRSKI, Lanciciensis CAPITANE-  
 US, vel exinde Angelus vitæ & meritis fuisse cō-  
 stat: quòd pacatō post Civiles motus orbe sarma-  
 ticō, conciliatis Regni Provinciis deposuit huma-  
 nas exuvias, corpus, in quo ad Prodigium pare-  
 bat terris, & inter Cælestes cætus pennis amoris  
 salutis ad visionem Dei avolavit. Illustrissimus  
 VLADISLAUS SZOLDRSKI, prosperè mo-  
 dernus CAPITANEUS, Lanciciensis, & Rogosnen-  
 sis, JUNIORIS TOBIÆ MANUDUCTOR ANGELUS, exo-  
 tica Nationum lustratione ut celebris; ita Do-  
 mesticis etiam Patriæ curis insigniter gloriosus.  
 ab exteris Nationibus Redux salutaria dat Do-  
 mi rectè vivendi, & agendi monita, & consilia  
 sociatur Illustrissimos Parentes LUDOVICUM, &  
 MARIANNAM de UNROGIIS, Majoris Poloniæ Ge-  
 nerales convenientibus Prosapia suæ suis gesto-  
 rum factis, faxint Superi, ut illos incolumes ipse  
 sospes, quàm diutissimè consoletur. Conscripto-  
 rum Patriæ Patrum Ternio olim JOANNES  
 NICOLAUS, & ANDREAS SZOLDR-  
 SII,



SCII, CASTELLANI BIECHOVIENSES, Purpurati  
optimi Optimates Lechia Principes, Terrarum,  
& Senatûs Poloniæ ANGELI. Proceribus Dina-  
stis, & Principibus Regni, in Senatu aderant, &  
profuerant, ut cuncta Publica difficillima Pro-  
vinciarum negotia, ocys facilitate, quàm a-  
lij illa conijcere, vel proposita audire poterant.  
Illustres Domini MATHIAS NOTARIUS PO-  
SNANIENSIS, STANISLAUS PINCERNA  
CALISSIENSIS, & CASIMIRUS POCILLATOR  
VSCHOVENSIS à Szoldry SZOLDRSCII, Polo-  
niarum VIRTUTES ANGELI, fortitudine animi &  
robore mentis omnibus præcellentes. Quidquid  
egerunt sceptrò scribenda non calamò, vel i-  
psò contra Hereticos intra ambitum Regni exi-  
stentes odio Orthodoxam confirmarunt Fidem,  
quam non solis verbis, sed bonis quoq; & piis ope-  
ribus tuebantur. Magnificus Dominus ALEXAN-  
DER defensivis contra Finnos & Æstones armis  
Roth Magister Exercituum Serenissimæ Poloniæ  
Reipublicæ. Andreas verò Loricatæ Legionis  
contra Barbaricas Chimeras inflati animi mōte  
tumentes, Bellerophontes hastator scilicet vibra-  
tissimus. Raphael, Adamus, Joannes, Adalber-  
tus insuper Martinus AVUS, JACOBUS autē Ge-  
nitor Tuus Illustrissime Castellane, præter eos



ANDREAS Consobrinus superstes Frater ex Eque-  
stri Ordine exercitus, ingens à Szoldry SZOL-  
DRSCII, Terrarum POTESTATES ANGELI, adver-  
sam hostium vim, & malitiam Heroico pectore  
suo, velut clypeo reprimentes, & præarcentes  
procul à damnis Patriæ. Tu verò Illustrissime  
CASTELLANE SANTOCENSIS, ille es inter Hierar-  
chias Patriciorum Lechiæ Cætuum ANGELUS  
PACIS, qui in Apocalypsi clamabat stentore vo-  
ce, ne quisquam unquam audeat nocere Arbori-  
bus, mari, terris, ac cunctis hominibus. Tu enim  
Excellentissime Senator, non tantum nemini  
damna inferis, sed quoscunq; exorbitantes cernis,  
sine arguitione sustinere & tollerare id pati ne-  
quis; sed obsecras arguis, & increpas, ut à nocu-  
mentis hominum, injuriis Terrarum abstineant.  
Continent alij in Domibus suis, non tam bellicis  
ex hostibus, quam potius privatis factionibus ex  
conciuibus suis, & vicinis domesticis rapta, vel  
in castris Judiciorum iniquè acquisita spolia, Tu  
ex Castris militaribus, post continuas per 12.  
annos pro Patria cruentas in Rubra Russia ex-  
peditiones, nihil de Civilibus rapinis, præter pro-  
priam; eamq; Tuomet Clypeò protectam, Tuismet  
armis defensam, Tuomet robore salvatam vitā  
extulisti; nihil de alieno labore manuum in deso-  
lata



lata per hostes bona, & hæreditates Tuas attu-  
listi. Nihil in Tuo Atrio Nobilium, nihil in pa-  
rietibus Tuis, nihil in Clavo Regiminis, & NA-  
VIS, nihil in Capitolio DOMUS Tuæ, nihil denig  
in Arca Honoris Tui Tibimet armorum Victo-  
riarum, & Triumphorum Feretrio Jovi ad præ-  
sumptionem Gloriæ; vel ad jactantiã dexterita-  
tis suspēdisti. Immo: proprias facultates utilitati  
Publicæ, uan cum oblata, & consecrata Patriæ  
usibus vita, impēdisti. Nec mirum BARTHO-  
LOMÆUS enim es, non solum habitum for-  
tunæ & vestimenta, sed ipsas corporis exuvias  
dares, si egenorum vel Patriæ nuditas exigeret.  
Solo habitu virtutum contentus Senatoriã non  
quærebas Purpurã, non arescebas præ expecta-  
tione illius in Aula Regis, & quamvis Filius JA-  
COBES, tamen non supplantabas alios, non præ-  
veniebas etiã ipsos immeritos. Sed ipse Serenissi-  
mus AUGUSTUS III. cum Te jam diutius expecta-  
re non poterat, ut peteres, ipse sponte sua Privi-  
legium Tibi pro Castellana misit Dignitate. Sed  
parce ulterioribus verbis SENATOR ILLUSTRIS-  
SIME, attende veritati, & per patientiam interim to-  
lera, non per auxesim; sed per licentiam, & au-  
daciam dicam, quod; quamvis per impossibile  
(quò ad Tuam naturam, & optimam compositi-  
onem



onem æquitatis morumq; dico) quamvis (inquã)  
vel ad rapinam in Campo bellico, vel ad injusti-  
tiam in foro (datò non concessò) proclivis esses,  
tamẽ ipsa Illustrissima **ELEONORA** de Bach-  
szteyniis Castellana Consors Tua assertis his omni-  
bùs inconvenientiis saltim prudentissimè obvia-  
ret, & obsisteret. Illi in sic æqui justiq; te-  
nax, & amans, ut de capitis vertice pilos, de ve-  
ste vestiumq; fimbria pulveres excuteret, si ali-  
enos esse adverteret. Quamvis enim celsis robu-  
stisq; humeris est **EXCELLENTISSIMA** hæc **DOMI-  
NA**, utpote ex Atlante Parente suo Bachszteynio  
**S. R. I. Dynasta** progenita **Filia**, alienam tamen  
etiam atomam prædam ferre nequit, sed sub il-  
la velut Enceladus sub Etna gemeret. Quoties  
in publicum tæniata prodit, ac incedit; ipsa ve-  
latis oculis **Iustitia** esse creditur. Hoc tantum  
signo ab **Astrea** esse dignoscitur, quòd nigrum  
velum, & non albam fasciam ex fronte in ocu-  
los prædemittit. Et quòd magis est: nec Illustris  
ac Magnific: **LUDOVICUS SZOLDRSKI**,  
**CASTELLANIDES SANTOCENSIS**, unicus & unicè di-  
lectus Filius, nec utraq; Illustris: ac Magnifica  
Castellanis **KILHELMINA** scilicet & **VICTORIA** Te-  
uti Patrem suo prosequerentur amore, si aliquã-  
do, vel in minimo Legibus Regni, vel Furibus

ami-



amicitiæ dissonum Te fuisse cernerent. Tanta enim in superstitie Prole Tua Illustrissima, morum & justitiæ animadversio, tantus amor virtutis, tanta perspicacia ingenij, ut quamvis ex legibus naturæ, & bonæ Indolis suæ, ad Genitoris sui omnino teneantur reverentiam, si tamen in Te vitium cujuscunq; injuriæ cernerent, facile ab amore, & obsequio Tibi debitis sese absolverent. Imò; nec se Illustres ac Magnifici ANTONIUS Pociillatorides Vschovenssis, & JOSEPHUS ac IGNATIUS à Szoldry SZOLDRSCH, pro Patruo suo, nec Illustrissimi Consanguinei, & Affines pro Familiarum suarum decore profiterentur, si Te suarum Domorum, & Prosapiarum singulare Clenodium longè à Corona Virtutum abesse cernerent. Quod verò maximum: nec Te subditi ita pro suo venerarentur Domino, si non esses Heres Probitatis, & Dominus Virtutum. Sed diligit Te Illustrissima ELEONORA CASTELLANA CONJUNX, non tantum quæ Maritum, sed quæ justissimum, non tantum quæ Senatorē; sed etiam quæ omnibus virtutibus perfectum Virum. Diligit Illustrissima utriusq; sexus Proles, non tantum quæ suum, sed etiam quæ totius Patriæ Patrem, non tantum quæ successivarum opum, sed etiam quæ hæreditariæ virtutis Autho-



rem & Auctorem. Prosequuntur Te summa animi sui teneritu-  
dine, tam Filia stri Illustres Antonius, Josephus, ac Ignatius, quā  
etiā Cōsanguinei Tui LESZCZYNII, OPALENSCII, ZA-  
ŁUSCII, DZIAŁYNSCII, LIPSCII, PONINSCII, KIER-  
SCII, UNROGII, MIAKOWSCII, ZAKRZEWSCII,  
MODLIBOWSCII, KOSSOWSCII, JERZYKOWSCII,  
CIELECCII, BACHSZTEYNI, TURNONES, KO-  
SZUTCII, ROZDRAZEWSCII, GAJEWSCII, BRO-  
DNICII, MALCZEWSCII, LISIECCII, CEREKWIC-  
CII, SREMSCII, & sexcenti alij. Prosequuntur inquam sum-  
mo amore, non tantū quā Consanguineum; sed quā Probinū,  
non tantū ex ratione Gloriæ suæ, quā Purpuratum Conscri-  
ptumq; Patrem SANTOCENSEM CASTELLANUM, sed  
qua sine dolo & fraude Sarmatam Patritium, quorum conca-  
tenato amore, etiam ad amorem Tui trabis Poloniam, omnes  
stringis Provincias Lechicas. Hanc itaq; Domum Tuam Illu-  
strissimā Paradisum voluptatis cernens, CUSTOS PARA-  
DISI ELIAS properat in eandē non alio curru, nisi Rhedā, &  
Pilentō Avitæ Ratis Tuæ. Et quia per Eufratem, Ti-  
grim, Gehonem, & Phisonem fluvios ad Paradisum est na-  
vigandū; igitur velificationi huic aptissima Navis Tua Patri-  
tia. Si verò per dera voluerit iterum viā ELIAS instituire, su-  
perior Argo Tua etiā tali superdæreo tractur est idonea. Adeoq;  
ad majore Excellentissimæ Domus Tuæ securitatē, Illustrissime  
Mecænas admitte hodie Custodē Paradisi Cherubim ELIAM  
Divinissimū, qui flāmēo suō Gladiō alluceat Tibi ad omnes vi-  
as prosperas, & planas, faustissimos autē totius Almæ Prosapiæ  
Tuæ successus eousq; propugnet dexterrimè, quousq; Damascenū  
tuebitur Paradisum, nempe: ad ipsam usq; consumationem mū-  
di, & omniū in Terris seculorū. Toti enim par Orbi Szoldrscia  
Domus Tua, exigit; ut Orbi integro sit in durando coæva, nec  
prius ruat, quā Columnæ Cæli tremant, Cælū ex Atlantis hu-  
mero devolvatur, & stellæ de Cælo cadent, ita precatur sincer-  
rimis votis

Toti Illustrissimæ ac Excellentissimæ Domui Vestræ  
devotissimus Cliens, & servus. Author Operis.





# ORATIO.



*Elimontana*, quia Carmelitana *Porta* primo huc ingressui obvia, Locum hūc sūma Religione plenū, quia *Ter-ram* esse *Sanctam* indicat. AA. A Civilibus enim mænibus, simul & à seculo Locus iste remotus, cum Phænice:

*Humani nunquam patitur contagia mundi.*

Claudianus

Disostiatō Vartæ flumine undiq; circumluitur; ut nihil coinquinatum intret, sed prius lavet stolam & animum, qui hujus Loci vult esse Candidatus. Prius hīc coram geminis dispartiti Vartæ apparitoribus ostijs, discutiat suæ sarcinam conscientiae: ne quid suspectum, vel prohibitum, aut importantiam Regni Cælorum sive fraudando minuens, sive minuendo fraudans importet secum. Habet *sceleratum Campum* Sancta Roma incæstuosarum scilicet Vestalium infamem tumulum, sub *Collina Porta* almæ septicollis Urbis eminentem; Ausonia Majoris *Polsoniae* non habet; quia *Polsnaniensi* hōc Campō:

Marlianus  
in Topographia  
Urbis  
Romæ L. 5.  
fol. 98.

*Non est in toto Sanctior orbe locus.*

Romæ super puteū.

in quo ipse Sanctitatis Reparator & Author nempe

A

Sal-



*Salvator mundi* hæreditans, non unum possidet perfectum, utpote rotundum Tabernaculum. Arca Domini, quia Regiò-Jagiellonica hæc Ædes, Tabulas Præceptorum Dei Regulas scilicet ELIANÆ Institutionis; & Moyſis Virgam sine nodo originalis culpæ Virginem Mariam continens, pravos Dagonēs non patitur, indignos Ozas à contactu arcet & obsequio, ut non obsequantur potiùs, quàm indignè obsequantur. Campus hic Carmeli verè Campus Elyſius, quia & Beatae in terris utpote Religioſæ degunt hîc Animæ, & Imperialis Corona Sanctorû Flos Nazareus renidet inter Lilia Candoris Hypostatîci, inter quæ Cæleſtis Agnus commoratur, & pascitur delicatiùs: quàm Semiramidis inter roſas, aut inter ſtellas Martius aries in Zodiaco. Sublimis ſanctitatē Locus iſte, ſub ſidera ſuò culminat faſtigio, ac Prophetico ELIÆ ſpiritu humanas mentes ipſi Cælo admovet: ut terrena deſpiciant, & faſtidiant. Hinc præ Religione Magnæ, quia Divinæ hîc Majestatis Sanctitatîq; ſimul;

*Ceu Lugdunenſem Rhetor dicturus ad aram*

*Formidat, timidus cunctans vox faucibus hæret.*

Sanguine ſudaret hîc magis Herculis ſimulacrum, ſi Maieſtatem Loci hujus cerneret, quàm ſudaverat olim, dum Perſicis imò veriùs totius mundi Trophæis gravè, & magnum inſpexit Macedonem. Evaginatus enim ELIÆ gladius majorem quam Alexandri mucro timorem incutit ſimulq; reverentiam. Penetrando pectora conſcias ſibi perſtringit mentes: pennas quidem Oratorum acuit, ſed quas

*Vel: Mars ex Phætreis Cæleſtis prompſerat arcûs*

*Vel: propriis aliis ipſe revulſit amor.*

Pulchritudo Carmeli ut Libani, aut Sionis, amænitate ſua mentes illicit, ſed altitudine humanas vires

de-



debilitat. Splendidus ELIÆ ensis illustrat quidem  
semitas, & deplanat; sed quia flammeus, etiam can-  
dendo arcet. Conijcio tamen flammantis ELIANI  
Teli Mysterium ex ipsius hîc Carmelitani Campi fi-  
tu. Campus hîc Paradisiacis, quia Religiosis affluit  
deliciis. Eminentia Carmeli Damasceno non impar  
monti. Torrentem voluptatis ex dulcissimo *Mari*  
*Gratiarum MARIA* effluentem, *Arborem* verò *Sci-*  
*entiae Boni*, in quovis Religionis hujus Viro conti-  
net. Proinde: ubi flammeo armatus gladio ad Car-  
melum suum, & Posnaniensem hunc Campum Di-  
vinissimus Prophetâ ELIAS prostando excubat, &  
excubando prostat: CUSTOS PARADISI CHE-  
RUBIN cōgruente sibi à me dicetur elogiō. Patiaris  
igitur ELIA D. te Custodē Paradisi Cherubin, ad vo-  
luptatem nostram promulgari, & pupillam svadam  
meam velut pupillā oculi, Cælestis Armiger custo-  
dias. Custos Paradisi Cherubin Vestrum AA ad e-  
logia sua devincit animum, & ad benevoli favoris  
accendit zelum, ad quem ego Orator, Divinissimi  
Prophetæ acinace non cogo, ne extorquere videar;  
sed invito ac propensissimè postulo.

**E**Xcella naturæ suæ perfectione sublimis primusq;  
Creaturarum est *Cherubin*. Eō ipsō enim Ange-  
lorum *Princeps*, quia in primo primæ Hierar-  
chiæ Cætu natus hæres. Ut sol splendore sidera, sic  
*Cherubin scientiâ Dei excellit Cælites*. Ille enim in  
Regno Cælorum supremus Majestatis Divinæ *Mi-*  
*nister*; in signandis Mysteriorum Privilegijs *Cancel-*  
*larius*, in depromendo arcana Dei, *Secretarius*; in de-  
nuntiando veri Numinis beneplacito *Referendarius*.  
Ut enim Fons à Mari, sic *Cherubin* à Supremo Deo  
derivat scientiæ plenitudinem, quam in totam Cæ-  
lestem sic diffundit Rempubicam: velut nubes in



ratus vincens  
Cherubin nos per  
Ceres epel.  
Seraphinis

agros imbrem. Illuminat splendore diem cristallus, ubi directos in se radios solis recipit ac reflectit, sic *Cherubin* ab Increato Sole desumptum sive Fidei, sive scientiæ Lumen cum fœnore cæteris reddit Cælitibus: ceu explosi fragoris vocem per colles; aut per septizonium reflexa echo: dum velut exundans fluvius in sitibunda evolvitur littora. Prævenit Seraphinos amore, quia ex cognita per præcommunicatam sibi scientiam excellentia Dei, non aliter ad Dilectionem Numinis accenditur, ac à fomite pulvis pyrius, ac ipse fomes à primo incentivo ad ardendum. Nihil enim rectè diligitur, nisi sit præcognitum, quia ergo *Cherubin* prius Deum cognoscit quàm Seraphin; etiam prius diligit, quàm Seraphin. Post asseitatem prima in Deo perfectio scientia; utpote: etiam Omnipotentia directiva, hanc ubi primus omnium haurit *Cherubin*, Primogenitus est Cōfors Divinae Gratia. Ut enim Oriens primam lucem suam in montes montiumq; & collium fastigia, sic Deus voluntatē sui liberi beneplaciti primò in *Cherubin* jacet. Non ardent votivæ super aras tedæ, nisi communicativò accendantur fomite, sic illuminationem arcanorum Dei haud participant Beati, nisi derivent per *Cherubin*. Totus in oculo, & totus Oculus Deus, Divinae scientiæ pupilla *Cherubin*, hinc: ut ex toto oculo, visuales concurrunt in pupillā, & concentrātur radii, sic Sacramentorū sub Divino pectore, velut sub cortina Delphica latentiū, nondum scilicet à seculis revelatorū Divis Cælitibus attributorum radij primò in *Cherubin* conveniunt.

Propheticò perfusi spiritu Viri, Deo-docti sunt *Cherubim*, immediatè ab illo eruditi Magistro, qui Cathedram Cælum habens, corda docet hominum, æquè facilè ac profundè, æquè profundè ac sublimiter

ter, q  
icunt,  
lomo  
homi  
Exce  
pheta  
lunt t  
Num  
vulga

AST E  
Divin  
oculu  
BIM  
statis  
flonis  
Signa  
gum,  
Num  
LIAM  
parat  
præm  
ment  
tis m  
men  
ELIA  
men  
mari  
colu  
gnò  
Disp  
tori  
gina  
tates



ter, quia super sidera transcenderet. Nihil illi discunt, omnia sciunt, velut in Paradiso Adam, aut Salomon in Gabaon, tot verò habent Auditores; quot homines omnium exposit à nativitate sua seculorum. Excellentiâ scientifici Cœlitus sibi infusi doni: Prophetæ, Cherubinorū sunt Condiscipuli; & sic excellent terrigenas, ut Cherubim Cœlicolas. Quid volūt Numina scire? sequi? vel cavere orbem? per labia vulgant Prophetarū, qui utpote Discipuli Superum.

*Pectoris è rostris pandunt arcana Deorum.*

Ast ELIAS Divinissimus Propheta est Sacerrimus, Divino spiritu æquè plenus; ac littus maris æquore, oculus venis, sol splendore. Ergo ELIAS CHERUBIM est, quia scientiâ Numinis Theodoctus Majestatis Divinæ Minister primus, quia intimæ admissionis Regiæ Cubicularius, Privilegiorum Cælestiū Signator; à Throno Dei *Cancellarius*, *Os Regis Regum*, & Domini Dominantium. Quoties Supremū Numen tangebatur intus humanò scelere, per ELIAM Prophetam, & dolorem suum explicuit, & paratas in excessivos pœnas revelavit, ut sic Paternè præmoniti ad saniolem sensum, vitam, conscientiâ, mentemq; redirent; & à pessimis revocati viis, rectis meritorum passu ambulant. Quoties idem Numen suos terricolas voluit præstare favores: primū ELIÆ suas Imperialis mentis gratias, & gratiarum mentem aperuit. Displicuit Numini coronata Samariæ Regis impietas, quâ apostaticò cultu Baalim coluit, ut hoc magnò quia Regiò, eò tamen indignò cultu suò, Maximo Numini cultum minuisset. Displicuit Creatori hominum, & fortunarum Datori Deo, tam homicidium, quàm ferus raptus Reginæ Iezabelis, quæ cœlitus datam vitam, & facultates Iezraelitæ Naboth, Tyrannicâ manu sustulit.



Nemo noverat: quantum afflîxere Divinum Cor,  
Regalia hæc scelera! ELIÆ Cælestis Jupiter mox ge-  
mitûs sui pandit sensum, mox fulmina parari ad ple-  
tenda vitia revelavit. Quia verò Cherubini utpo-  
te primi Superûm Ministri est, Gloriam tueri Numi-  
nis; ELIAS igitur non distulit; sed certior à Numi-  
ne factus, suppressis Cæli imbribus, & Majestates Im-  
perantium Achab ac Iezabel, & subditos afflixit sitî,  
ut irriguis pænitiæ lachrimis noxas abluerent;  
ac stolas lavarent sædati sui pectoris, sic demùm con-  
ciliarent sibi irata Cæli Numina, repudiatô Baal dæ-  
mone; sic (inquam) jejuniô ac inediâ fertilitatem  
annorum ab astris revocarent.

Motrices Cælorum intelligentiæ Angeli, ex qua  
Hierarchiarum sint? nondum nobis Theodocta de-  
finivit Theologia, & sacer Patrum determinavit sen-  
sus; quia tamen: *Sapiens dominatur astris*, utpotè: qui  
solo minor est Jove; hinc: facilè probabili sententiâ  
ad Cherubim id spectare muneris, ego censeo. Re-  
gulari enim motu sive regere, sive movere ad amuf-  
sim sidera; & ad exigentiam sive temporis, sive vo-  
luntatis Dei coaptare, supprimendo scilicet, astrorû  
nubiumq; influxum; nisi sapientissimus, ac scienti-  
ficus poterit Angelus, nisi Theodoctus Vicarius Di-  
vinæ virtutis, verbô dicam: nisi Cherubim valet. Pro-  
inde: ubi trienniô Cælos, & nubes continuit ELI-  
AS Divinissimus, ut suppresso rore, unionem cum  
Deo, scissæ: quia schismatizanti Samariæ pareret, ubi  
demum; pænitentibus Regi Achab, & Plebibus im-  
prægnavit effætas nubes Pater hic Sacerrimus, &  
ad vota omnium movit Cælos, accommodavit astra,  
inflexit sidera; hinc; Motrix Cælorum intelligentia  
per consequens Cherubim Divinissimus ELIAS esse  
liquet.

Chc.

scilicet  
in alie  
bim  
trij de  
ideo  
tiæ: u  
LIAS  
cam  
it, no  
nitud  
comm  
phetic  
vus D  
U  
am ha  
cam,  
cre, u  
lignis  
dè; qu  
rò tam  
jus Pr  
Cheru  
ni cul  
simpli  
tem er  
runt C  
pud Su  
ram N  
mul m  
sensu  
ctos co  
ELIAS



Cherubinorum natura ut fontium, desumptam, scilicet à Deo scientiæ, ut fontes à mari plenitudinē in alios fundere, cæteros irrigare. Ideò enim Cherubim ex Cathedra Divini cordis, voluntatis, & arbitrij docentur à Numine, ut totius orbis sint Magistri; ideo incomprehensibilē accenduntur lumine scientiæ: ut inflamment alios. Divinissimus Propheta ELIAS etiam ex eo officio est Cherubim; Prophetica enim scientiam à Deo sumptam in se continuit, non suppressit, nō abscondidit, sed tam ex præplenitudine ejus; quam ex officio quoq; suo illam centū communicavit Viris, ipse Centurio Centuriæ Propheticæ, id est Cælestium Virorum communicativus Divinæ scientiæ Cherubim.

Ut idoneum sibi cultum, adorationem, & gloriam habuisset Cæli Dominus, imperavit Moyse Arcam, Salomoni Ecclesiam, utramq; magnificè struere, utramq; de incorrosibili materia; quia illam de lignis Setim, hanc de Cedris Libani, utramq; splendide; quia expolitō perfusam aurō. Ad majorem vero tam laudandi Deum scientiam; quàm utriusq; hujus Propitiatorij Reverentiam: dedolati sunt alati Cherubim parī perfusi aurō; ut ad pretiosum Domini cultum omnes raperent, omnes prudentem; non simplicem orandi docerent methodum. Rusticantem enim; sive Satyram orationem cultissimi oderunt Cælites, sapienter orandum: ut vota valeant apud Superos. Simplex quippè cultus, non decet Aram Numinum, etsi decet! simplicis tantum; sed simul mundi cordis, non barbari voti aut materiæ. *In sensu Mystico* Templum Hyerusalem: Cælum cunctos complectens homines,

*Arca fuit Domini Virgo Maria Parens.*

ELIAS Divinissimus ad hæc Divina Tabernacula

SS Joannes,  
Damascen<sup>9</sup>  
Bonavent:  
Ambrosius,  
& alij.



3. Reg: 18  
v. 44.

Cherubim, ob charitatem aureus, ob splendorem vitæ & ingenij expolitissimus, in conspectu Cæli velut in medio Sanctuarij; semper ad cultum Numinis compositissimus. *In Nubecula parva, velut vestigiū hominis ascendente de mari*, excellentiam adhuc futuræ protunc *MARIÆ Virginis*, cælitus sibi revelatā habens, sic se gessit erga futuram protunc Divinam Matrem, qualiter se gerunt nunc in Cælo Angeli, erga eandem assumptam, & coronatam suam Reginam Angelorum. *In morali autem sensu*: Templum Dei, Corpus, Arca Cor ELIÆ fuerat, quia præsentissimum in se semper habebat Numen, ut animam à corpore, sic Deum à se dimisit nunquam. Vermem conscientia intus nunquam admittens, incorrissibile præstitit Deo Propitiatorium se ipsum. Quid Prophetica ELIÆ anima? nisi Theodotus Spiritus Cherubim; quia ut ipse eruditissimè coluit Numina Cæli, ita singulos ad parem Numinis cultum erudivit. Quisquis accessit ad ELIAM, majorem Dei ut scientiam, sic etiam sumpsit reverentiam! quibus Regna, & populos, erudivit, dum ab idololatria Baalis & Beelzebub deastrorum retrahens, ad cultum veri reduxit, & inflexit Numinis. Ad cuius Religionem quia Ochozias ac Pseudo-prophetæ converti noluerant: Pseudo-deos Baalim, & Beelzebub in frustra comminuit, idololatræ autem justā damnavit mortis Nemesi. Si ignorarem ELIAM esse Cherubim, unum ex Cælicis Potestatibus Angelis esse crederē, quia & infernalem vim refrenavit, repressit, imò toto fugavit ab orbe; & Apostatas utpote dæmonum sequaces abegit ad tartara, ut pro temporali præstito illis Pseudo-cultu, æternū cum iisdē crucientur.

Carmelus Mons, Mons Religiosi Paradisi cunctis hominum amænissimus. Hic primū Ascetica

for-

forma  
pit à  
ta cul  
subla  
ni; qu

Carph  
quide  
temer  
duo Q  
tius; c  
comp  
meli  
tius; c  
vel ha

Æque  
habitu  
quoti  
cator  
aëre f  
nix) p  
ex ho  
narios  
cem p  
manā  
meli  
volup  
Custo

Fi  
E  
Non f  
ad Pa



formata Religio, & spiraculum spiritualis vitæ accepit à Deo, quò melius ad rationalem Patriæ animata cultum, quàm lutea Promothei statua de Cælis sublato solarium igne radiorum, *Arborem scientiæ Boni*; quia *scientiæ Dei*, utpote Propheticæ habens:

*Excellit Libanum! laurigerosq; stylos*

*Parnassi! Pindiq; jugum! tergumq; Sionis!*

Carpserunt hanc Arborem scientiæ Boni non manu quidem malignâ; sed lingvâ procaci, ast eò magis temerariè, quia tali lingvâ mali, imò: pessimi, illi duo Quinquagenarii Ambaziatores à Rege; imò potius coronato scelere Ochozia emissarii, dum fictò compositi obsequiò hominem Dei ELIAM, Carmeli Incolam appellabant. Cherubim enim erat potius, quàm homo, verè Dei, non autem fictò etimò; vel homo: sed Angelicus, quia:

*Amplis Divini pennis instructus amoris.*

Æquè internâ mentè; ut superiore externò melotæ habitu candidus, umbram tantum hominis habens, quotidianis duntaxat jejuniis, ac Eremiticis mortificationibus emaceratissimum Corpus, velut ex solo aëre formatum, aut solâ fermè Cælesti aurâ (ut Phoenix) pastum. Iratum ergò Cæli Numen expulerat ex hoc Paradiso, nempè; ex Carmelo Quinquagenarios istos pedisequos Ochoziæ, dum ad ELIÆ vocem per evomitam, cælitus emissam flammam humanâ vitæ privavit luce. ELIAM verò in eodē Carmeli monte confirmavit, idest in Paradiso summæ voluptatis animæ, quia Cælestis contemplationis Custodem Cherubim, qui

*Flammigerò mucrone suo versatilis Ens*

*Excessus omnes Paradiso arcebat ab isto.*

Non facilior sceleratis aditus ad Carmelum; quàm ad Paradisum fuerat, quia Cherubim vitâ & scien-

C

tiâ



tiâ ELIAS harum Cælestium in terris deliciarum, nempè Carmeli Custos, accessum talibus omnem prohibuit.

Ut verò adhuc evidentius Custos Paradisi Cherubim probaretur ELIAS Divinissimus ad Torrentem Carith; id est *ad fontem* Deo disponente, & solis aquis contentæ voluptatis suæ residebat. Ad quem fontem voluptatis suæ fundebat preces, undas hauserat, contentus melius purò Neptunò, quam alij non dilutò Bacchò, melius limpidò rivò, quam cæteri massicò botrò. Quinimò ELIAS ad Torrentem Carith, velut ad lautè structam mensam Paranympheus junioris Tobie Raphaël Angelus; scilicet: *tantum videbatur bibere, sed cibò invisibilij & potu, qui ab hominibus videri non potest.* utebatur; nempè continuâ visione Dei, per contemplationem assiduam; ob quam tantum (ut ita dicam) umbratili corpore in terris fuerat; amore autem & executione Divinæ voluntatis, per communicatam sibi à Deo scientiam, semper intra Empyreum Cælum Deo præsentissimò; non minus traducebat in se Propheticam scientiam Mysteriorum Dei, ac succensa sicca stupa ab igne:

*Cum fervore jubar, lucemq; à perpetua flamma.*

Cernite hîc in Cherubi ELIAM, in ELIA Divinissimo verum Cherubim; qui in terris paret, & simul in Cælis conversatur; videtq; faciem Patris ac omnigenenè eruditur; ubicunq; moratur: præsto Deò facie ad faciem fruitur. Cælus in terris habet, quia beatam visionem Dei, æternitatem in tempore mundi, quia æternitatis *ante & post* primum Fontè, imò Oceanū, & comprehensorè adæquatū perfectissimū.

Latet me certitudo cujus Chori esset ille Angelus! qui in solitudine Bersabee traductæ Agari & Ismaëlis ad levandam sitim puteum aperuit? ac defici-

Gen: c. 29.

Y. 19.

ci-

ciente  
refoc  
Chor  
fidei)  
ita eti  
ad am  
thodè  
næ M  
um G  
tissim  
duæ p  
gillar  
lei æq  
aperu  
aquæ  
provi  
num  
etiam  
integ  
minu  
ipsum  
tror)  
ELIA  
tione  
pilen  
subju  
Sofost  
Proph  
dens.  
gelica  
tus in  
tem e  
destit  
Na



cientem spem & vitam, ex improvisò provisis aquis  
refocillavit & sustinuit? de Cherubinorum tamen  
Choro (salvò meliori sensu Doctorum Ecclesiæ &  
fidei) eum fuisse opinor. Nam; ut alia beneplacita,  
ita etiam Providentiam Dei nòsse, & protinus illam  
ad amissim exequi, huic Cætui convenire docet Or-  
thodoxa Religio. ELIAS sacerrimus magnus Divi-  
næ Minister Providentiæ, (& ut ita dicam) Cælesti-  
um Generalis Vicarius Provisor Gratiarum. Egen-  
tissimam quippè Sarephtanam Viduam filiumq; Vi-  
duæ publicâ fame maceros, accrescente in dies pu-  
gillaris farinae penu aluit indigentes. Deficientis o-  
lei æque illi viduæ Natoq; suo inexhauribilem fontē  
aperuit, ut ille Agari, & Ismaeli Angelus torrentē  
aquæ. Invisibiliter itaq; (*ut incorporet solent Angeli*)  
provisis alimentis satiavit ELIAS, & famelica homi-  
num desideria, & Dei Gloriam: dum Paternam ejus  
etiam circa minimos Providentiā, & curam in orbē  
integrū promulgavit. Sedatis jam his mundi ho-  
minumq; curis, vocavit ELIAM Divinissimum ad  
ipsum Damascenum Paradisum destituta, (ut arbi-  
tror) excubiis custodia Paradisi, ne moraretur igitur  
ELIAS Divinissimus, exigita necessitate voca-  
tionemq; sui ad tuendā Paradisi securitatē flāmi gerō  
pilento, velocissimā autem festinatione & impetu,  
subjugatis invisibiliter Angelis, magnificētius; quā  
Sofostres Regibūs discessit in eundē. Igneum enim  
Prophetā ELIAM, alius haud deceuit currus, nisi ar-  
dens. Cherubim autem Paradisi Custodem; nisi An-  
gelica deceuit assistētia, & jugales. Stetit itaq; loca-  
tus in medio Paradisi, flammeo suo gladiō integrita-  
tem ejus propugnat vigilantissimē, & tunc nisi suis  
destituet Paradisum excubiis, dum;  
*Nullus erit splendor lux nulla nitefcet Olympo.*



Nempè dum omnis temeraria, & violenta hominū  
cessabit improbitas, dum inuales, & latrones sce-  
lestissimi, nempè; rebelles Deo homines per Gene-  
ralē ultimi Divini Areopagi punientur, & tollentur  
sententiam. Vigilantissimus enim Custos Paradisi  
ELIAS, nisi pacatō integro orbe vibratum imponet  
vaginæ gladiū, dum scilicet omnes civiles, & hosti-  
les discordiæ, ac insidiæ componentur, & quiescent,  
nullusq; erit, qui ultorē ELIÆ gladiū rebellibūs Deo,  
temerariis suis sceleribūs provocet in jugulum.

Unus est ad Damascū ab ipso supremo Condito-  
re Cæli Numine, alter in Carmelo Vestro ab ELIA ele-  
ctus, & plantatus *Paradisus*, Patres Religiosissimi,  
uterq; laurifer; quia etiam Vester Doctoralibūs Co-  
rymbis frequentissimus. Uterq; continet Arborem  
scientiæ Boni, quia etiam Vester probā scientiā ple-  
nus Theodotus. Uterq; fonte voluptatis præditus,  
quia etiam Vester in Carmelo, *Fonte signato, Fonte*  
*Gratiæ*, & totius Consolationis ac *Fonte Misericordiæ*  
Maria Virgine irrigatur. Uterq; *Lignum Vitæ* in arca  
sua alit, quia etiam Vester Lignum Crucis, & illud  
Lignum vitæ: *quod solum dignum fuit portare fructū*  
*Salutis* Deum Homine; nempè Deiparā in se cōclu-  
dit; vos autē devotissima semper colitis pietate. Er-  
go ELIA Divinissime ubi talem per te Filiosq; Tuos  
Religiosissimos custodiens apparasti, & reliquisti or-  
bi in Carmelo monte Paradisum ad Posnaniā, qua-  
lem nunc incolis & custodis ad Damascum, jam ex  
effectis, & comparatis causam omnigenamq; modū  
nolcimus, Te esse *Cherubim Custodē Paradisi*. Flam-  
meō igitur Tuō gladiō arceas, & rescinde à nobis ea  
omnia, quæ Cælestem Paradisum possent demere-  
ri, sisq; nobis omnibus, & Cherubim: scientiā, volun-  
tatem, ac beneplacitum Dei communicans, & vitæ  
nostræ Custos Angelus. DIXI.

S. August.

S. Ephren.


S. Bonavē.

S. Bernard.





Biblioteka Jagiellońska



stdr0021954



